

摘藻堂四庫全書薈要

集部

欽定四庫全書薈要卷一萬九千四百九十九

集部

皇清文頴卷九十八

詩

七言絕句

滇南凱旋歌六首

王士禎

鈞天樂動五城樓

玉輅前行十二旂親見萬方頻送喜

翠華三度幸盧溝

湖南福建雲南大軍振旅皆駐蹕盧溝郊勞

將軍收取舊山河飲馬闌滄萬里波珍味

天厨人不識

禁中特遣一封駝

升中大禮視

園丘黃幄天清宿霧收朝罷將軍先受賞

尚方催進紫貂裘

都人夾道看旌旄萬里歸來血洗刀韉上奇鷹皆帶角
仗前天馬盡拳毛

原廟衣冠二十春太平今見上

陵辰象犀玳瑁新供祭巧使安南備九賓

上將
調孝陵

遣安南國請

封表至京

清時王會徧諸方絕調昇平嗣栢梁從此漢家新樂府

白狼添詠又三章

今年上元
賜朝臣宴於
栢梁體賦
昇平嘉宴詩

乾清宮

賜頌

瀛臺

賜宴恭紀六首

王士禎

朝來

敕賜宴淋池
桂檝蘭舟待水嬉
度盡雲沙回首望
綠楊風外颭黃旗

越羅吳錦尚方來
黃紙書名繡作堆
次第鵷行齊拜
賜涼蟬聲裏謝

恩迴

御舟往往艤沙汀
瓊島中流日幾經
不是華林樂魚鳥
慈顏近在五龍亭

中旨頻傳內大臣龍眠學士命重申捧觴跪起華裯上

蘋末風來散酒鱗

唐詩玉船風動酒鱗紅

崇蘭風汎共徘徊九畹揚揚取次開鄭重天香携滿袖
移從弘德殿中來

大液池中百子蓮花開十丈藕如船酒闌

宣賜歸鞍重錯認滄洲太乙仙

賜貢茶二首

王士禎

朝來八餅

賜頭網魚眼徐翻書漏長青筠紅籤休比並黃羅猶帶
御前香

兩府當年拜賜迴龍團金縷詫奇哉
聖朝事事寬民力騎火無勞驛騎來

賜櫻桃漿恭紀

王士禎

色映琉璃得未曾涼風長日拂觚稜人間不識嶠山雪
天上相逢玉井冰

上

陵歌三首

王士禎

令支迴合萬重山
閃日旌旗虎豹閒
東望風雲過沛上
西來車騎出蕭關

遼水東迴北鎮斜
龍盤虎踞

帝王家依依最是關
門柳十二年前拂

翠華

辛亥
大駕謁
陵於盛京
今年十二年矣

艱難

王業本岐豐
扶杖來觀父老同



詔賜大酺還給復一時歌舞遍遼東

扈從紀事四首

勵杜訥

獻歲纔過

命駕行不緣佳序緩期程省方問俗乘農暇瓠子桃花
趁浪平

勾陳羽衛臨畿甸帶郭連村抃舞迎野老自言蠲賦後
家家餘粟足春畊

麥滿田疇望雨時欣傳甘澍迓

龍旗觀風錫宴新晴報德合天心事事宜

花牋分列榜高張選句摘辭効頌揚一路春風蓬戶外
爭書

聖壽祝無疆

懋勤殿芍藥春前盛開恭賦二首

勵杜訥

艷陽纔許鬪芳菲何事衝寒萼已肥松楸自來多湛露
不須攔畔待春暉

謾誇魏紫與姚黃幾見春先入建章早綻丹樓饒正色

得隨瓊蕊侍

君王

御製詠杜鵑花詩

賜臣士奇恭紀三首

高士奇

滿院薰風拂絳跗亭亭孤幹托仙鋪吟成

寶墨流香瀋散作重霄雨露濡

鶴林移到自何年一片朱霞玉檻前弱植已甘巖畔老

翻因野逸得天憐

龍燄堆成火齊盤光搖釵砌晃瓊闌噓培難荅陽和澤
捧日惟舒一寸丹

扈

蹕登景山恭紀二首

高士奇

細草新莎生碧甃古槐高柳映朱楹薰風纔過端陽後
聽得鳴蟬第一聲

龍葱仙境九成臺石磴螭文暗綠苔

聖主朝朝勤聽政看山一月幾回來

夏日扈從

聖駕幸西山南苑恭紀十首

高士奇

懸崖百尺俯高稜，捫葛攀蘿最上層。跨馬不愁登陟險，

身依日月氣憑陵。

自黑龍潭乘馬度峻嶺至五華閣

荒山古寺夕陽邊，萬木清陰一澗泉。啼鳥嚶嚶迎綵仗，

野花灼灼點金韉。

廣泉寺綠陰夾路門繞流泉鳥語花香山容太古

帳殿風微暑氣涼，夜深清籟發幽篁。亭臺影裏人聲靜，

皎月新懸滿壁光。

上於山亭夜坐對月賦詩一首

深深古洞絕躋攀
灑翰題詩碧漢間
返照入林添氣色

半天旛影颺青山

聖感寺

御書寶旛照耀山谷是

命臣

英臣士奇各賦詩
一首贈寺僧海岫

行殿虛明月似銀
高張絳蠟坐華裯
夜分獨自披章奏

內旨連催召輔臣

有時上於行宮詳覽章奏必至夜分
召閣臣面議或至三鼓

問安近侍頻馳馬
視膳中官每進鮮
心戀

慈寧

天性切朝朝遙憶

繡闈前

上於南苑射鮮庵進
太皇太后中使往來不絕於路

巍巍高殿入雲孤寶地琉璃翠色鋪得附

六龍巡上界此身早已到清都

上幸元靈宮
特命臣士奇遍觀諸勝

雨濕宮槐曉霧開今朝傳幸涼鷹臺爐烟香繞龍牀淨

猶待詞臣進講來

上於南苑仍
行日講未嘗稍輟

風送蟬聲直到門空庭寂寂見苔痕綠陰一片方亭午

半晌清凉造物恩

真武廟門前古槐蒼鬱
上命遊憩其下

駿騎嘶風寶轡明蒼廩射得早歸營年豐還講三驅禮

時有安危繫

聖情

是日合圍麋鹿成羣

上嘗言人君當安不忘危故于幾暇時勞

聖躬

賜金盤時菓恭紀三首

高士奇

新香拂拂摘芳林澹碧微紅蘊素心
故事休傳王逸少

青囊何用乞來禽

蘋果

蓮葯新收太液池黃金盤裏玉參差
幾回細嚼寒漿迸

想像紅衣裏露時

蓮子

紫角青包水府鮮中官初進

御筵前野人那識瀛洲味翻憶西湖過雨天

鮮菱

瀛臺

賜宴詩十二首

尤侗

君王消夏蕊珠宮垂柳垂楊面面風綠水青山遶殿閣
千官影立畫圖中

新秋零露乍濃濃曉啟天門照燭龍十里香風吹不散
遙知蘭澤採芙蓉

玉泉一派注流淙太液池邊隱畫艘自有恩波成五色

浣花不羨錦名江

並泛蘭橈度玉墀分明閨苑接瑤池
大官預辦鈞天宴
內殿先頒金屈卮

御林深處綺筵開
轟飲無煩黃紙催
挹酒頻從北斗望
五雲千朶起蓬萊

吳綾越綺望如雲
捧手疑沾百和薰
正值銀河初渡後
天孫織錦就迴文

夢到瑤京弄紫鸞
紅樓十二碧欄杆
多因挾纈

君恩厚一夜西風不覺寒

靈囿分齊鵲鷺班雲堦月地許躋攀登高試上瓊華島
看盡齊州萬點山

休沐初聞罷早朝長楊五柞暫逍遙外人若問吹笙曲
先是彤弓後蓼蕭

水殿風微翠幄涼叢蘭九畹颺芬芳離騷紉作幽人佩
今日方稱

王者香

豈樂曾聞宴鎬京
羣工獨飽雉頭羹
小臣願借金莖露
還獻吾

皇萬壽觥

河漢

宸章彩鳳銜
盈廷歌嘏勝韶咸
短才本乏凌雲賦
欲報慚無五色函

聖駕南巡視河吳
越歡迎曲八首

徐倬

淮黃合注幾千春
壁馬臨河感

聖仁天錫九疇開禹貢時逢二月協虞巡

歲歲田收畝一鍾鷄豚醴酒足三冬南村北舍欣相告
天子親來為勸農

太平時節盛鶯花碧水丹山貢物華遙識

天顏還有喜江南無地不桑麻

菖蒲新綠杏花紅雞犬桑麻輦路中陌上吳歌真夏諺
民間細事繪豳風

軋軋機聲繞綠蕪插秧時節水禽呼農家作苦官家曉

盡在新頒耕織圖

南郊士女踏陽春
手執豚蹄祝社神
粒粟寸絲皆

帝力五風十雨盡

皇仁

桃李今年故放遲
鳧鷖共樂太平時
休誇湖水三千頃
可比

天家太液池

錦纜牙樯接絳霄
江神河伯盡來朝
山呼萬歲逾千里

聲奪錢塘夜半潮

恭紀

聖恩詩八首

有序

徐倬

伏惟在位之靖共維一侍從尤親立朝之報稱雖
同投閒倍切光依日月曾到雲霄影戢江湖不忘
廊廟況恩施于父子先後拜颺且澤及于妻孥家
庭順聚斯誠遭逢所希有而詠歌之莫罄者也洪
惟

皇帝陛下功宏疇載德邁生成弘錫類之仁孝稱不匱
體羣臣之隱道在無私雖枯木朽株盡沐陽春之
澤凡黃童白叟胥遊化日之中臣倬學慙樸數年
及耄荒簡擢清班曾上花萼之直矜全末路得安
草野之生燕雀春風相將婦子鷄豚社日共樂昇
平但念十載潛踪自分浮沉于下澤猶幸一經授
子希圖報効于涓埃臣子翰林院侍講學士臣元
正者屢荷榮遷兩頒

寶翰職斯有忝

恩已無涯而猶越分陳情妄干

天聽以臣倬同

臣

妻年躋八十路隔三千猥緣烏鳥之

私乞從

鑾輿之便

特恩俯允

溫諭有加且令鼓棹前驅軫及于脂車秣馬遂得擔囊

早至歡生于送臘迎春回淑氣于窮檐色縈寸草

起祥光而開篋賦寫高松一室團圞如登極樂之
國貧兒拜舞還疑春夢之中臣倬何人膺斯隆遇
謹率妻子孫曾恭排香案望

闕叩頭謝

恩訖擬欲涓誠繕疏披瀝愚衷復因畎畝間身不得拜
陳奏牘幸遇

六飛之南下得隨萬姓而歡迎瞻仰之餘敬呈蕪句其

詞曰

虞巡四十二年春就日瞻雲萬萬人誰獨感

恩情最切青衫白髮老儒臣

仙凡迥隔是蓬瀛身到三山近太清長憶通明香案下
玉皇親自點微名

萬國觀瞻屬四門園橋禮樂有淵源三千弟子橫經侍
再擁臯比是

特恩

傳家慙愧鳳池毛兩世

深恩歷史曹身在江湖心在

闕夢魂飛入五雲高

十年身隔鳳凰池一夜銜

恩介酒卮誰道八旬眉案下重添半百老萊兒

驛路三千道里深驛驢未度意沉吟乘船騎馬尋常事
也費

天王俯恤心

圍爐如畫燭如銀兒捧辛盤獻老親絳縣漫誇堯甲子

今宵

恩抵八千春

晝靜真如對紫庭
夜深呵護草堂靈
平添奎壁光多少
牛斗中間見幾星

聖駕南巡詩二首

楊瑄

春風

輦路草芊綿
望幸輿情又十年
聽得

南巡宣諭到家家
引領五雲邊

路入京江繡壤平

翠華巡歷為春耕時禽也識勤民意桑隴陰陰布穀聲
恩賜玻璃眼鏡一副恭紀三首

楊瑄

珍逾照乘勝懸黎妙製新傳自海西親向

九重宣

賜出人間何用刮金鏡

并州快剪剖輕冰碾得如規碧月澄從此紙窓燈火夜
長牋小字寫秋蠅

摩挲雙纈感年華
蕙圃春風似隔紗
一片空明塵翳淨
今朝真見

上林花

暢春園書堂春日即事二首

徐元夢

春光浩蕩是

天家五色迷離處
處處花探討
自應忘歲月
雲窓卷帙足生涯

花光柳色蔭晴川
諷詠何期此地偏
黃鳥也知人意樂

朝朝啼向艷陽天

蒙

恩賜新筍數枝名雁來筍恭紀二首

張廷瓚

春林雁筍露華滋
驛使封題貢御時
自昔京華曾未識
分頒塞北遇尤奇

解籜香生綠玉痕
得嘗珍味荷

君恩宵來清夢留
人處家在江南水竹村

南巡扈從恭紀四首

張廷瓚

春流如縠片帆開晚浦明霞錦作堆錯落紅燈浮水面
直疑龍獻夜珠來

赭黃華蓋軟風吹童叟爭看鷁首移羽衛不教傳警蹕
天顏豈獨近臣知

斐几珊瑚架筆床吳舫清晝擁書囊芸牋五色頻揮灑
春浪長流翰墨香

桑麻四野散和風父老謳歌擊壤同

天詔猶言民力竭如傷只在

聖心中

觀河布德詩十二首

王九齡

昇平

聖主坐垂裳萬國共球集
廟堂治至神堯無一事尚煩
帝念是懷襄

省方古帝有成謨
輿壤如今說五湖
此去觀河兼問俗
望中風物入吳都

三農

元后重春畦愛聽山村布穀啼
佇見杏花菖葉裏躬乘
青輅問鋤犁

乘流彩鷁向江關縹緲

鸞旂霄漢間白叟黃童咸拜手
春風三度識

龍顏

躬視河流日幾回欲將沉竈作春臺
任教白水黃茅地
龍馬衝泥盡到來

烟波何處植桑麻六馬欣瞻駕日車

天子自行沉璧玉寧愁春浪漲桃花

車駕乘春省俗時秋毫無擾肅諸司漁莊酒肆渾如故
萬乘雷行總不知

四民辛苦首農功春省吟成

睿藻工自是

宸衷崇稼穡陳詩不待獻豳風

望

幸雲霓渴九霄地連吳越豈迢遙太陽自識傾葵志早

見

恩光徧六橋

柳營校閱集熊羆挾矢爭看射戟枝
盛治揆文兼奮武
觀兵宜在太平時

金山千丈削芙蓉

翠輦經時駐碧峰
笑指長江魚競躍
妙高臺上有


真龍

春鵲龍翔鵲首東

天回絳闕正薰風請磨千仞吳山石虔勒

南巡萬世功

皇清文頴卷九十八



總校官庶吉士

臣

張能照

校對官檢討

臣

郭寅

膳錄監生

臣

許祖懷

欽定四庫全書薈要

集部

皇清文穎卷九十九
一百

詳校官候選知縣臣吳甸華



欽定四庫全書薈要卷一萬九千五百

集部

皇清文頴卷九十九

詩

言絕句

無暑清涼

湯右曾

碧樹周阿夏景清三才萬物塵

皇情每尋解愠歌薰句已覺涼颼殿角生

萬樹園

湯右曾

遙青不斷綠雲鋪萬木蒼然總畫圖對面千林有瑤島
蓬萊高處望方壺

趵突泉

湯右曾

狀流噴薄雪成堆潤物資生一竇開直送
恩波到東海俱從天上發源來

石磯觀魚

湯右曾

穿蒲戲藻自游行集網垂鈎了不驚自是
至仁周萬物一鱗一鬣總生成

瀑布

湯右曾

曾從廬阜尋岩瀑憶到黃華問水簾今日銀河天半落
恍疑兩地一時魚

石壁

湯右曾

迴崖沓嶂翠浮空峭壁巉巉插水中直是五丁開不得
天然疊出錦屏風

曲水流觴

湯右曾

波迴芝岸接菱汀曲水流觴眼乍經總為

帝書真第一恍從蘭渚到蘭亭

雙湖夾鏡

湯右曾

夾鏡澄明倒碧虛四山晴翠繞

周廬分明圖畫西湖景此景西湖較不如

稻田麥隴

湯右曾

稻垂麥仰足陰陽土厚泉甘草木香會吐雙岐銜九穗
一星天上應農祥

西嶺晨霞

湯右曾

軒窓面面納虹霓左是丹臺右玉梯每惜寸陰勤
乙覽晨霞紅映數峯西

芝逕雲隄

湯右曾

殊形特似產芝房行盡雲根別有莊橫截一隄銀漢繞
大羅天在水中央

金蓮花

湯右曾

移根幸植玉階旁寶地蓮臺萬品香天與十分端正色
承

恩先借御袍黃

恭讀

御製麥秋詩

湯右曾

墨海雲烟五色鮮

宸毫灑向麥秋天自今金匱瑤函裏併入豳風豳雅篇

南巡聖德詩五首

汪倌

蘋汀蓼渚雨還風四載勤勞神禹同今日河圖親指授
佇看宛委告成功

時巡

御宿應星躔章奏恭呈

玉座前五夜手批常達旦輝輝宮燭動朝烟

一曲南風舜操傳香薰寶几展瑤編濬川巡狩徵前事
恰是虞書第二篇

巡行舊典及春畋禮射從容玉帳前一曲鏡歌纔奏罷
君恩先賜酒如泉

萬疊文漪湧翠螺三千香界壓銀河江心遙識天臨處

點點華燈照玉荷

懋勤殿恭紀三首

法海

天階玉燭有光輝
五夜披星到紫微
自謂侍臣趨直早
不知深殿已宵衣

宵衣

晝漏稀聞出玉墀
春風暖閣日遲遲

乾清宮裏圖書滿
盡是

君王御筆批

每有微風到玉墀

九重廣達四聰時閭閻莫謂

君門隔民隱深宮盡得知

恩賜鮮魚恭紀三首

張廷玉

弱歲相依鳳闕居邀

恩常得食嘉魚何期今日親承

賜手捧銀鱗下玉除

叨隨鵷鷺侍甘泉初割蓬池第一鮮昨夜多魚曾入夢

定知寰海兆豐年

日日裁書付錦鱗

湛恩傳語白頭親
喜聞眠食都如舊
好作春江把釣人

蒙

臣父起居
恩問

雍正甲辰夏日奉

命隨

皇子讀書避暑於瀛臺
即景紀事得詩十六章
同事者

協理大學士事

臣

元夢吏部尚書

臣

軾學士

臣

敏侍講臣世遠

張廷玉

泛舟疑入水雲鄉
天錫冰壺六月涼
久向鳳池霑渥澤
恩波新喜傍銀潢

帝子天成麟鳳姿
分陰珍重日長時
經旬不復窺園囿
佔畢儒生總未知

縹囊綈帙燦如林
奧義微言日探尋
更向龍樓聞寶訓
孔庭詩禮

聖人心

恩綸特錫五雲端多恐衰慵步履難每到苑門纔繫馬

扁舟先待藕花灘

特旨皇子師傅皆年老艱于步履苑中往來令舟人載艇以待

叨沐

天家雨露私抱書兩世傍瑤池白頭老監相逢話猶記

先臣進講時

康熙己未庚申間臣父侍從每日進講老監

先帝避暑瀛臺猶親見之

碧樹陰中紺宇開應時甘雨潤蒿萊

鑾輿祇為蒼生駕不是看花避暑來

苑中有時應宮祀龍神上兩次

親詣祈晴
雨皆立應

千重金碧參差影一片玻璃潋灩光曾憶白家詩句好
蓬萊宮在水中央

畫屏山色層層見寶鼎香烟細細添几案何須勤拂拭
纖塵不到水晶簾

擁書坐愛北窓風珍果

恩頒自法宮露在金盤香在室珠囊先擘荔枝紅

恩頒蒙

賜新荔枝

冰爍風生玉雪濤浮瓜沉李興偏豪置身已到神仙境

更啖綏山五色桃

天孫昨夜試龍梭織就紅綃萬點荷曉露未晞烟未散
彩雲多處一船過

溪邊日日泛舟行溪鳥親人若送迎廊廟江湖兼占取
青鸞隊裏白鷗盟

丹巖百疊繡芙蓉奇石裝成宛轉峯石畔蒼松幾千尺
臨流欲化葛陂龍

帝念民依重力田別開幽徑苑西偏稻畦百畝桑千樹

一幅幽風畫宛然

晚風習習下藤蘿白石橋邊振玉珂
行過朱闌回首望涼蟬高處夕陽多

彎環月挂古槐枝歸去休嫌短櫂遲
携得芰荷香滿袖綠楊磯畔下船時

駕幸釣臺釣魚

賜饌恭紀六首

蔣廷錫

曉山迎日燦銅青夾道香蒿湛露零
豹尾光中朝氣綠

半峰高築釣魚亭

綠崖一逕俯長川
趨步何殊上九天
百尺翠屏開水殿
灤河環遶畫闌前

嫩雉鮮魚

賜上方金盤飽啖大官羊
日來異味多嘗遍
碧海紅蓮
第一香

天然平石坐清淪
纔下長竿出錦鱗
仁義為鉤恩作餌
遊魚鼓躍入絲綸

山光倒射綠萍開作隊駢頭上餌來滿缶柳根驚潑刺
還將楊柳貫魚腮

一縷烟雲起翠微涼風披拂釣魚磯詞臣奉

詔先歸去不教催詩雨濕衣

二十七日

上命登興安高處遠眺恭紀四首

蔣廷錫

馬蹄得得踏寒莎日色雲光兩盪摩穩立興安最高處
青天左界看山河

花飛短荻雲千疊葉落黃松玉萬株無數春蠶沙上卧
絕勝平遠范寬圖

掠掠風從脚下生始知身已接空冥直將目力窮千里
著地天垂一線青

盪胸雲氣開秋色奔馬沙痕捲怒濤此處重陽無幾日
山頭先已

賜登高

恭謝

聖恩詩四首

有序

汪灝

康熙四十一年十二月二十八日

臣灝同臣何焯

荷蒙

聖恩

欽賜為壬午科舉人一體會試

臣等遭逢

盛世異數殊榮制科以來實所未有

臣感激切至俯伏

思惟我

皇上學尊洙泗治駕唐虞重道崇儒大文德於武功之

後愛才隆士廣賡歌於颺拜之時

聖藻炳若日星猶博搜夫葑菲

天章燦如河嶽尚弘採乎蕝薏宵旰萬幾不忘翰墨精
勤五夜尤重文章

聖嗣趨庭日課以詩書禮樂親藩受教時探乎丘索典
墳加解額於棘闈多士羣叨樂育取異能於鎖院
五經別錄才華明目達聰既毫釐之必晰因心作
則更小大之兼收灑湛露於九天真寰區所共祝

布春風於

三殿尤史冊所希聞臣技愧雕蟲文慚窺豹生昇平之
代徒慕簡編長遠僻之鄉未嫻鉛槧賢書無分負
七度之風簷大比長勞守三更之雪案親年漸老
夢隔雲山壯志未抒情殷

君國乃幸邀

聖朝特眷遂得沾盛代深仁縫掖書生橐筆許登宮禁
草茅賤士摘詞獲傍

彤庭

聖製煌煌容瞻

天而敬和

睿詞奕奕時就日以賡歌

御筆俯賜於丹青

宸章仰窺於碧漢
薜蘿上達竟荷

天褒葵藿漫陳幸叨

聖鑑復念臣困頓鄉闈蹉跎場屋

皇仁深厚仁超資格之中

帝澤涵濡澤及尋常之外徧搜乎二十一史無此奇逢
歷覽乎百千萬年罕茲異遇拜

綸音而激勸難喻蛇銜對

天使而歡欣莫禁雀舞蟾宮桂發

皇恩生輪外之技鼇禁梅開仙榜榮臺前之萼九州海
外爭傳此日新榮萬載史中長頌今時特典情踰
矢口感極鏤心敬擬恭謝

聖恩詩四章隱微莫達唯長祝

聖壽之萬千愚陋堪慙未足表洪鈞之一二臣不勝銜
恩感激拜手稽首恭呈

太平

聖治邁陶唐重士崇文沐寵光一樣桂花香萬國獨
頒金粟兩枝黃

臘月寒枝剩幾叢破除冰凍是東風瑤堦一夕生春草
都在

皇仁雨露中

持將定鏡辨姍妍何幸高天碧月懸一自

聖人親策士人間玉尺總無權

塞上烟雲捲地平已拚百里宰邊城誰知飄泊秋風後
雪裏槐花一夜生

南書房敬觀

宸翰紀

恩詩六首

有序

查慎行

康熙四十一年十一月初八日

皇上御乾清宮發

御書一千四百三十七幅

命大學士

臣

張玉書吏部尚書

臣

陳廷敬工部尚書

臣

王鴻緒副都御史

臣

勵杜訥右諭德

臣

查昇展開

分類以備

頒賜

臣

慎行適奉

命召試在南書房候

旨因得隨諸臣後仰瞻

天日之光洵有生之奇遇而人世所希覲者也欽惟我
皇上天亶聖姿日新大業體乾行之健殫

帝德之勤學懋功純光華炳耀

深宮無逸游藝入神自真書以及行草由小楷以至擘
窠或臨倣各家或親書

御製有美畢萃無體不兼此雖極古今來專工八法終
身矻矻自名一家從未有如是之多而且精者是

皇上之御書固已超羣聖而駕百王矣而愚臣於拜觀宸翰之下仰見我

皇上神功聖德冠絕千古者更有蠡測焉伏讀

御製北征凱旋諸詩

廟謨獨斷勝算萬全殲厥渠魁餘寬祝網闢版圖未闢之地臣史策未臣之邦我

皇上宏猷偉畧冠絕千古者其一也伏讀

御製巡視河工省方問俗諸詩莫九有以教寧恐一夫

之不獲萬姓已共安於耕鑿

一人恒自處於先勞遂致河海安瀾淮黃底定我

皇上仁民愛物冠絕千古者又其一也伏覩

御書大學聖經一章以至往哲先賢格言銘序抉其精

微揭其奧義采諸儒之懿訓成

昭代之典謨獨於程朱二子則不書其名我

皇上崇儒重道冠絕千古者又其一也伏覩

御書自晉魏六朝以逮唐宋元明諸臣名蹟無不手撫

心賞至再至三類皆棄所短而取所長集書學之
大成為

帝書之第一而紙尾必署云臨某某書我

皇上聖不自聖冠絕千古者又其一也臣一介微賤遭

逢盛事千載一時舞蹈謳吟自不能已譬取秋蟲

春鳥生覆載之內亦知鳴天地之恩恭賦短章以

紀

榮遇

玉檢初開五色烟
淋漓元氣滿中天

宵衣旰食無多暇
更灑雲藍十萬牋

咫尺丹霄映玉清
觚稜日上入牕明
忽聞風雨來天半
知是

君王落筆聲

一畫真成萬世師
捧來千幅更神奇
銀河直與宸居接
無數蛟龍起墨池

霞蔚雲蒸露未乾
盡驅造化入毫端
萬鈞腕力皆天授

擬學虞戈一筆難

良工巧匠日礱磨

淵鑒新鐫勝永和不似當年淳化閣帝王法帖笑無多
書訣端從主敬來數行

御札日星開可知筆正由心正入直多承

聖訓回

賜扇恭紀

鄂爾泰

一握蒲葵雅自珍五明

題賜墨痕新南熏不是風風力到手深慚把柄人

辛酉暮春薄遊盤山三首

德齡

陰陰桑柘鳥聲幽渺渺平灘帶綠疇誰傍名山成小築
枳花門巷嶺西頭

諸天樓閣畫圖中亂石幽泉一徑通知是僧厨燒榭葉
紅簷輕颺落花風

叅天松栢影縱橫占岫嬌雲放午晴小坐僧牕證聞見
萬株寒翠木魚聲

湟中暮春詞

德齡

破裘農父趁春晴
白髮垂肩驅犢行
山頂雪融田似玉
一犁直上亂雲耕

夏日海防閱工書所見四首

高斌

熏風炎日歷長隄
茂草龍叢路欲迷
似喚勞人聲最好
綠楊深處鷓鴣啼

行趁微涼曉月妍
清光一縷澈長川
偶然自解詩中意
月在河心影在天

遍地蒲蘆葦蕩營村村籬落見花明
海隅風物扶桑近
咸有葵心向日生

海日初生萬井烟相迎
童叟盡歡然使君騎馬經過處
笑指髯翁是地仙

義州曲二章

錦州北
一百里

塞爾赫

大凌河水遶城流到海應知是盡頭
白日荒荒照南郭
行人為唱古涼州

醫閭山前淑景微
醫閭山後黃雲飛
白沙北去望無極

塞草春來馬又肥

聖武遠揚平定青海詩八首

鄂爾奇

捷書三月奏甘泉上將專征破虜還萬里玉關明月好
漢家勲業紀燕然

雨雪曾傳賦采薇年年征伐憶金微何如楊柳春風裏
早報元戎

獻捷歸

羌女羝奴次第擒更看葉護繫征輪戎王投甲齊歸日

青海從今無叛人

烟歛牙旗晝正晴天風吹送凱歌聲須知

盛世酬功重綠綬新

頒大將營

幾日

恩綸下建章萬年

天子正垂裳鸞書會見來中省玉劍無煩請上方

降虜中宵感再生共傳

天語羨承平

宸心覆載原同量京觀應除紀武名

宵旰經年切治安

聖朝家法接殷盤

丹宸日日陳無逸創守身兼自古難

麗日卿雲覆玉階萬方送喜進

蓬萊侍臣早擬編皇雅慚愧元和司馬才

青海平定凱歌六首

吳襄

聖主當陽六幕清西陲萬里震

天聲奇功一戰收全部露布星馳奏

玉京

廟堂獨斷整王師大帥遙遵節制奇搗穴傾巢多算勝
神謀惟有

聖人知

霜花十月照刀鏐三捷軍聲七日間白草黃沙誰牧馬
天兵不放隻蹄還

鐵騎乘機復踐蹂
榮嫫就縛黨全收
降旂獵獵春風捲
百萬羌番拜馬頭

貢葵獻雉競相從
脫劍投戈永息烽
壯士錦衣方奏凱
聖人黃幄正臨雍

講學談經千羽陳
格苗不用到三旬
洗兵自有天河水
更灑甘霖到八垠

皇清文頴卷九十九

欽定四庫全書薈要卷一萬九千五百一

集部

皇清文穎卷一百

詩

七言絕句

雍正丙午重九日

乾清宮

賜宴恭紀四首

徐本

賡揚喜起值簪莢

詔許鵷班渥大酺綽立螭頭分左右珮聲徐引上金鋪
爽氣橫秋遍九垓門開閭闔映朝回百寮次第看分韻
丞相身親授簡來

宸章欣賞九秋佳頒示羣臣樂孔皆一氣洪鈞調四序
天心原與

帝心諧

纔看蓋榜出

天門又侍

彤闈

詔語溫慚愧儒生叨珥筆螭頭立近最承

恩

乾隆三年

聖主躬耕藉田恭紀十首

有序

徐本

臣聞易稱耒耜厚生之利爰昭詩咏來年肇祀之
文斯著知稼穡之爲寶民食居先念黍稷之維馨
親耕特重欽惟

皇上德洽堯天仁周禹甸神人交協本繼述之精誠府
事聿修並清寧之燾育屢下蠲租之

詔恩流海澨山陬勤修勸課之經計悉茅簷節屋特以
重農之政惟率作以方興孝享之儀必

躬親而始備乃於嚮明出治之首式詹耜田秉耒之期
節屆中春辰傳吉亥誠事既嚴於官守致齋獨豫
乎

宸衷於是善氣潛孚休徵立兆甫協風之應律恰好雨

以知時之蓋承花泥餘芳於南畝春旗冒柳滌新
翠於西疇用涖崇壇告虔先嗇冀三時之不害致
百穀之咸登笙簧與鞀篇同音羽佾共勾陳並列
明禋已肅農器備陳

天子乃履似繡之芳塋啓如膏之沃壤控引而犁星運
力黃道平分驅馳而牛宿効能青陽畢達三推具
舉一垓爰周侯庶職之通加藉子來而終畝由是
乘茲霖霖播我秬秠轉旂旒以悠揚唱禾詞而絡

繹識

天顏之有喜知錫福以無疆而況望氣登臺乘陽行令
繼省耕而省歲欲觀象以觀民兩穗並岐固平時
之習見五風十雨庶順化以迎庥從此東作西成
感民情而悅豫祈年息蜡叶神聽以和平臣職忝
贊襄心慚勸相荷

思榮於盛世每聽衢歌叨扈從於崇班益欽

帝力五辰常撫敬抒瞻仰之忱百福來同竊附賡颺之

末

百度修明首重農經邦本計在田功

帝廷下詔親耕藉太史先期奏協風

夙夜齋心契穆清預將祝版進承明青箱黛耜都

親覽總為勤民一念誠

禁苑深沉玉漏催聽傳鈴索

九重開

翠華繞駕千門曉天際濃雲送雨來

平時隊伍擁初齊環衛無譁馬不嘶振鷺衣冠趨進未
袞龍袍袖看扶犁

雨後登臺看耦耕土膏脈動水泉生獻來種稔分秧早
不待催人布穀鳴

綠楊枝密藏鶯羽紅杏花深引燕雛指點烟蓑敲社鼓
分明繪出太平圖

頻年沛澤遍遐方

賜復蠲租數莫量今日三推勞

帝力欲教民廩似

神倉

但感民心便格

天萬邦綏定屢豐年直須豫擬歌豳篇報答

君王首耜田

覃敷美利承

天眷徧召嘉祥愜

聖心吹徹歡聲揚喜氣凝成瑞靄作甘霖

萬幾日體乾行健千畝

躬耕穡事親拜舞共欣堯舜治追陪還愧股肱臣

乾隆三年

聖主躬耕藉田恭紀

尹繼善

正歲祈年闋上辛農祥有兆自元辰青鸞銜出

躬耕詔玉琯融風滿

帝闈

雲罕星旂簇仗齊

齋宮峯屹峙壇西

一人親夙蒼龍駕萬戶春聲聽曉雞

來年率育頌思文薦醴升香秩祀殷一片精誠昭格處
霓旌平接四山雲

黍稷馨惟明德馨知時好雨驗從星清塵細灑千門迥
夾道榆楊盡放青

深樹鳴鳩勸荷鋤金根繹繹飭農車天田曙色分方罫
正是幽風入畫初



田功自古重人時暑雨祁寒軫怨咨此日朱紘

親秉耒艱難稼穡是真知

紺轅千畝駐輕烟已聽司農贊進鞭父老渾忘簞笠賤
扶犁恭導

聖人前

御耦加推數更優春陰敷綠滿平疇民間作苦

親嘗徧犁犢還驅未肯收

布穀聲中復間歌詞成三十六嘉禾陽回寸草皆生意

不獨豐年黍稌多

親耕臺畔列千官
邇陌遙塍互鬱盤
次第青箱分獻種
至尊一一霽顏看

郊原風景足清嘉
雁齒班成靜不譁
秩秩銀潢齊載耜
明農知己遍

天家

槐棘曾叨三九行
言隨蔥蒨搆課農
桑勤勞職在分
宵旰庶績惟思日
贊襄

昀昀終畝及農夫主伯歡超亞旅呼共識

皇心珍土物不誇玉粟與珠襦

仙樂空濛近九霄咸豐有奏叶龔韶還將徵角推民事
不是遊觀轉玉鑣

細草回看輦路明香塵不動午風輕田家景物歸仙仗
採入農書分外清

萬家生命屬時幾望雨祈晴念不違莫謂

深宮無耒耜痾瘵切切是民依

乾隆三年

聖主臨雍禮成恭紀十首

有序

徐本

臣聞大君觀文以成化聖人明道以開天是以典
重尊師秩節必隆於先聖教崇講學鼓徵致警於
大昕斯成均有釋奠釋菜之文而璧水致於樂於
論之咏也我

皇上御極之三年網舉目張德洋恩普聲教覃敷於六
合勲華遠被於八紘當政成化洽之時正樂備禮

明之日思續承乎

列聖遂丕振夫前猷二月雷行并祈年於耕藉暮春和
應踵

詣學於

經筵維時黌序聿新廟堂增煥橋門恢廓煌哉四闢之
模殿宇巍巍麗矣中央之色炳

天章於紫柱字偕二十八宿以成章翔

聖藻於華楣義取三百六旬而合撰爰邁六龍之駕肅

瞻萬仞之墻發廣樂於金鐘如聞韶響宣嘏詞於
玉冊恍覩麟書景行非遙儼後先之一揆動容胥
中證今古於同堂極一時致敬之忱昭曠代稀逢
之典隆儀大備講席爰開

聖蘊精深洗羣儒之陋說

天顏粹穆協多士之環觀契位育於中庸法欽明於帝
典心傳洙泗治效唐虞疏經術者萬言悉

睿思之一貫忭舞風生而雷動拜颺霧蔚以波騰發矇

者揭朗曜以經天遵路者順長河而歸海悅服於
茲極矣栽培彌有加焉觀光畀以榮光錫極因而
錫福行見英才輩出教思彰道德之化神景運宏
開文治並乾坤而悠久臣叨依

雲日謬次鹽梅幸傳韋氏之一經未備孔門之六藝仰
覩

作人盛事豫聞

至教精微贊助無能對揚莫罄肅將蕪咏敬矢葵忱云

爾

聖學淵深邁百王
統傳洙泗道彌光
辟雍肇舉尊崇典
鸞輅親臨俎豆香

天氣清和景物昌
曉鐘聲動靄蒼蒼
雲移

鳳輦層霄路風颺
鑾旗數仞墻

擣詞染翰動星文
鳳翥鸞翔迥不羣
翹首

宸章懸日月辟雍
佳氣曉氤氲

象尊龍勺爛編列
澗藻池芹次第陳
虔奉尼山香一瓣

須知昭格在明禋

入廟虔修釋奠儀備陳鐘鼓列尊彝禮行遠邁千秋典
道在心欽萬世師

禮成樂備日方中

紺幄遙開瑞靄籠

君道難名師道立棠梨花下坐春風

從容學圃愛三餘不數蘭臺與石渠今日

袞衣升講座牙籤親展聖人書

堯典欽明冠古今孔門性道闡精深從知位育平章業
都在雖宮肅廟心

文思夫子振儒宗哲裔趨陪六館從觀聽萬人環碧沼
綠槐階下拜

山龍

大沛恩膏渙

德音恬熙氣象感羣心歸來靜坐絲綸閣默念天家教
澤深

乾隆三年

聖主臨雍禮成恭紀八首

尹繼善

章天雲漢燦奎光
門啟樞星俎豆香
夾道松陰新鬱翠
重簷鴛瓦煥離黃

纔見明禋格上丁
更諏吉旦薦維馨
禮修釋奠虔三獻
教在親師闡六經

噦噦鏘鳴建羽儀
翠旌迎處見恬熙
傳聖道昌明日
正是光華格被時

宸章絢爛麗銀鉤贊化功能洵莫儔不是心源相契合
焉知天地與同流

無言盥獻達精誠玉豆雕邊設兩楹大業從知臻善美
始終條理太和聲

數仞宮牆入望中教垂萬世仰崇隆欲觀美富門難得
特許儒臣助祭同

黼座親繙玉笈開一時雲物覩昭回
睿思包盡圖書秘不藉崆峒訪道來

駿奔執豆荷

恩榮濟濟雲初取次行

錫賚有加踰往制歡聲傳遍魯諸生

乾隆四年

駕幸南苑大閱恭撰饒吹歌辭三十首

有序

勵宗萬

臣聞弧矢用威早著義農之世兵戎克詰爰垂謨
誥之文無戰爲王者之師止戈乃聖人之武是以

洛水會同六師偕作岐陽蒐狩十鼓猶存既橐弓
矢以息兵戎猶聽鼓鼙而思將帥况春秋著蒐紅
之義大易垂即鹿之占晉鼓則百二俱陳虞羅則
東西並下因農隙以講事供乾豆以告虔固非若
長楊羽獵誇禽獸之多子虛上林侈車騎之盛已
也欽惟我

皇帝陛下仁函覆育道蘊苞符巍哉之事業揚烈覲光
炳煥之文章經經緯史尋撞度索之國盡奉車書

雕題鑿齒之鄉咸遵正朔猶以清晏既登易弛武
事會同有繹始肅軍容乃命僕臣乃召司馬虞表
先期而戒事虎臣簡乘以扈從時值中冬典行大
閱循飛放之舊泊不事周陟按晒鷹之古臺無庸
麗飾周衛祇嚴而儲侍

法駕雍容以啓行日麗鳳凰之樓雪殘鳩鵲之觀和氣
所蒸天人協應敬恭將事上下交孚念

祖宗之創業圖維厥艱撫

天地之成功健行不息既申禋而用享遂擐甲以
躬巡旗分以八應八風而修茶火之容鼓作者三申三
軍而肅鸛鵠之隊首尾擊而互應方圓變以無方
士奮馬騰

仁者之師無敵風行雷動

聖人之勇如神因開網以驅禽遂張旃而數獲

聖主揮毫而灑藻從臣拜手以颺言在昔王子安之頌
二十四章馬相如之書七十二代皆止於粉飾太

平鋪陳侈麗寧足以彰豐功之赫濯美盛德之形

容小臣累世承

恩幸得身依

禁近喜聽笳歌之競擬陳饒吹之餘情有溢於長言才

彌慚乎短綆不勝踴躍祇益屏營

南苑晴曛朔雪融六龍遙指漢回中

太平天子親師旅萬乘龍旗拂曉風

待漏千官聽禁鐘鳳樓晴雪瑞烟濃天街廿里鳴鞭曉

五色雲開駕六龍

雲闕巍哉樹寶幢
靈宮禁禦肅戈鋌
昇平尚憶興王日
紫氣浮來鴨綠江

列祖英靈陟降時
肄兵曾此駐龍旗
曾孫有道天人助
韎韐重來作六師

晒鷹臺上看鷹飛
金甲歲蕤照鐵衣
勒馬

至尊親入陣
萬人歌舞拜天威

海子周陟百里餘
金元舊泊富供儲

聖皇早切禽荒儆不待詞臣諫獵書

聖製有逸豫戒禽荒句

旌旗如火復如荼鉦鼓初陳八陣圖環甲六軍齊虎拜
聖人神武挽雕弧

步伐從容應止齊圓規方矩妙難稽連環九轉呈神技
萬騎勻圓簇馬蹄

千帳聯行雁齒排宛虹雙睽五雲階遙瞻

聖主臨黃幄

御賞恩濃酒似淮

燕京神駿勝龍媒
飛騎初齊獵騎催
不獨逸羣空冀北
神鷹還自海東來

三田法古合圍新
絡繹遲克尚食珍

御箭一時傳得鹿
先飛羽騎獻

慈親

中冬和氣暖氤氲
玉律調陽布五雲
駐馬至尊親灑翰
絕勝燕鎬與橫汾

弓劍深藏閤

寢園尚垂仁愛息黎元

四朝玉燭親調日

聖武長傳萬葉孫

中夏揚旌駐玉鑾誓師青海肅登壇

先皇大烈今如在簪筆恩深舊從官

世宗憲皇帝以誓師大閱於此

飛龍十二滿天閑萬里奔騰瞬息間天馬歌成齊叶和
侍臣有喜識

天顏

仁虞舊院歲遊畋七十紅橋暎水邊

聖世自來遊幸少只今海子半成田

舊時南苑禁漁樵靈囿年來樂采芻此日

至尊親講武祇聞嘉頌和歌謠

陽迴緹室近南郊縮酒先時貢春茅多品祇應供備物
三田原不為君庖

侍臣優賜玉翎毛羽衛林嚴簇寶刀重譯萬方齊款服
揚兵未覺

聖躬勞

八方清晏久包戈弭節還同唱凱歌
獎士恩濃沾飫賜
銅山錦市不爭多

迴鑾容與士無譁
歡喜都人候

翠華四海英雄爭入網
黃金臺築更誰誇
是月試
武進士

四校神兵獵羽翔
漢家雄武出長楊
即今

聖主開湯網
只卜飛熊問釣璜

和門晝靜禮初成
班馬蕭蕭捲旆旌
從此軍容超細柳

萬年赫濯仰天兵

策府勲名照汗青
武臣蒐乘在郊坰
金城萬里如安枕
不用燕山勒舊銘

鸞輅龍鱗樂府增
九如歌頌日初升
山呼萬歲人情喜
鐃吹聲喧羽騎騰

弭節雍容拜冕旒
百神擁護盡懷柔

帝城萬井吹幽暇
共說頒禽徧五侯

萬里梯航效獻琛
鳴鶡多化泮林音
臯陶淑問無須奏

一百年來惠愛深

祖烈優游聖澤覃文章炳耀武功戡歲蕤四葉光華滿
日月經天海氣涵

雲日交暉薄海瞻九功七德

聖謨兼小臣身在卿雲裏三世

恩濃雨露沾

天鑒明昭感至誠

皇猷顯燦鳳書銜昇平億載鐃歌奏不似岐陽石鼓鐃

聖駕南苑大閱恭紀十首

有序

陳大受

蓋聞軒皇建旆百靈效制勝之符
風后揚旌八陣闡握奇之秘
揆文奮武功不後於平成
天保米薇治實綜乎內外
是以夏官掌政典重西京
冬狩應時禮隆大閱詰戎兵
而申九法裕宅中圖大之模
親秣輅以作六師宏保泰持盈之計我

皇上智臨萬國道濟羣生數漸仁
摩義之功紹累洽重熙之治
振笙簧於六藝雨露均華靜輦鼓於九邊

風雷順軌既已德威惟畏猶然儆戒無虞緬維創業之艱難彌切

深宮之宵旰櫛風沐雨

祖德深長橐矢橐弓

天庥篤厚用光我武存華山歸馬之師徒世選爾勞皆
遼海從龍之子弟詔精優裕生齒殷繁律用丈人
師貞長子雖時平運泰罔干九伐之

皇威而士飽馬騰應討四時之軍實乃於仲冬吉日

親閱八纛羣材集

南苑之神臯按北辰之方位時則天高霧豁軍用懸旌
日暖風微士皆挾纊

天子乃躬擐甲胄戎臣已親執鼓桴伍兩正而風雨馳步
伐齊而山嶽峙麾幢四合皆熊羆之士不二心之臣
號令三申觀士卒之能師武臣之力騰戈展翼平分
太乙之旂飛礮連環上應鉤陳之宿陟金臺而開
黃幄高標豹尾於班心注玉矢而穀琯弓

親射旄頭於空外覩

君王之神武增徒御之歡呼所謂以戰則克大得民和
用律惟臧實由天授者矣於是宣威既遠布德彌
洪屬車分玉食之豐陪乘飮金盤之味探支芻粟
較裹糧授甲而有餘

特賜金繒比飲至策勲而加厚

聖主先成

鉅製思

祖功

宗德之隆從臣共紀鴻猷陳赫聲濯靈之盛覲耿光而
揚大烈遠過石鼓之銘勲天文德以纘武功宜播
金鏡以合樂臣叨貳卿曹欣逢

大典備位曾供筆札幸得追隨

禁近之班承

恩特畀封疆勉圖綏輯兵民之畧仰瞻軍容之美盛振
古無疇賡歌

帝道之光華敷天共慶願繼凱歌之作用諧

盛世之音體用截句七言十首深慚謏曷勝悚惶

太平天子攬戎機號令先庚出虎闌冬狩有儀

天運合六花先象陣雲飛

禮隆大閱著周官禾黍全收上地寬連日雪晴陽氣達

六軍雲集不知寒

桂觀靈祇實式憑緬懷

祖德寶章騰我

皇智勇由仁孝武烈文謨丕顯承

剛日初諏協吉詹高空霧歛出峯尖丹崖翠嶂層層合
玉帳珠旂隊隊嚴

日麗高臺朔氣和虎牙龍額接陂陀

天容肅穆擐金甲軍令分明按玉戈

雲蒸霞蔚簇戎旂兩翼平開萬騎連龍虎鳥蛇誰辨識
個中指授契先天

寶纛飛揚結勢雄五兵齊奮奏膚功
欣飛技擊饒餘勇

廟畧全歸整暇中

御幄平開瑞日明
騶虞樂作玉弧鳴
九天穀矢連翩中
海岳齊呼萬歲聲

返旆廻戈佇策勲
師中振旅未斜曛
君王親授軒轅律
華蓋重重繞吉雲

緯武經文國有常
承平山海自梯航
欲徵饒吹超千古
說禮敦詩徧八方

聖駕南苑大閱恭紀八首

蔣溥

南苑高揚大纛風雪消日暖啓瞳矐

六飛過處

天威振自握龍韜御九戎

千官扈

蹕擁鳴鸞萬騎雲屯試寶鞍講武太平無事日
紿衣常
念守成難

冬仲星官告吉辰一陽初動氣如春

聖人親被黃金甲策馬來巡壁壘新

一塵不動淨浮埃忽候鳴笳捲旆來
九進却看符九伐
火光中迸萬聲雷

紫烟光起接連環
奇正縱橫變化間
鶴翼魚麗排陣法
轅門鼓響令如山

龍驤虎躍陣雲橫
勇氣驍騰百倍生
十萬軍聲齊一震
中權以律又鳴鉦

將識鈐符諳禦防
兵嫻紀律荷

龍光

皇仁錫賚恩膏遍挾纘歡騰士氣揚

大典初成日未西從

鑾歸騎蹴霜蹄五雲影裏

龍顏豫

萬歲聲中虎拜齊

聖駕東巡

盛京恭謁

祖陵大禮慶成詩十六首

宗楠

一統河山正百年開基遙邈鎬豐前龍旂十乘親承禧
載咏思文后稷篇

艱難王業起關中展祀欣看

大駕東十日爲霖天忽霽共知

聖孝格

元穹

愛日依依翠幃開秋原玉露淨飛埃松花江水明於鏡
照見紅鸞扇影來

海上神山戴巨鼇

橋陵劍舄彩雲高
薌蕭煥處天光合
五色瞳矐映
柘袍

真庭肅肅下靈旗
縹緲雲韶奏假時
干羽兩階昭
世德鳳樓重見鳳來儀

玉府丹書百世存
河山帶礪儼新恩

鸞輿親酌功臣墓
又見

高皇六葉孫

名山望祀百靈趨積翠中天翊

聖圖應似白雲封內起山祇萬歲効嵩呼

宮殿龍眉跡已陳秋山木落自嶙峋從官一騎頒香幣
異代猶蒙

錫類仁

行殿遙聞晝漏清龍賓十二燦芝英彩毫珠玉三千字
親灑雲箋賦

盛京

講武還登將將壇黃旗開處五龍蟠
君王神武真天授列陣先應懾可汗
平沙毳帳儼分行稽首齊稱

萬壽觴一自華山歸馬後百年甌脫盡耕桑

需雲藹藹宴粉榆遼瀋今年並賜租

鳳詔九重天上至一時歌舞遍康衢

一行貢使自朝鮮

詔許承恩侍廣筵歸向東瀛誇盛事堯樽親沃

聖人前

八年勤政攬

宵衣肯爲時巡廢萬幾依舊綠章

躬省覽朝朝批荅下綸扉

玄冥應候玉花攢鈴索無聲漏向闌遙憶塞垣當此夕
六龍天近倍高寒

堯階奠英四回開日下欣聞

玉輅廻最羨千官隨豹尾紅雲遙捧日車來

皇清文頴卷一百



總校官庶吉士 臣張能照

校對官檢討 臣郭寅

謄錄監生 臣許祖懷